

اداره خانه سی :

بازید جامع شریفی تریه قاپسی
قارشینده

دینی، علمی، ادبی، اجتماعی

مرکز توییمی :

باب عالی جاده سنده (اتحاد
تجارت) کتبخانه سی

مخمس

۱۳۳۸

اسلامك نفعنه

سراط مخبر: خادم یازیلر

مع التشر قبول ونشر اولنور. یازانك

شخصیتی دكل، یازینك ماهیتی نظر دقته

آلینیر. کوندریله جك آثار او قوناقلی

و مختصرجه یازیلش اولمالیدر. کلن

یازیلردن شایان قبول کورولنلر تاریخ

صیراسیله درج ایدیلیر .

صاحبی، مدیری، محرری :

علاوه سی لازمدر .

هرسنه نك برنجی

سراط استرا: و ایکنجی آلتی

آیاغندن اعتباراً آتونه قید اولونور.

سنه لکی پوسته اجرتیه برابر

۱۰۰، الی آیلغی: ۵۰. غروشدر.

ممالك اجنیه ایچین ۱۰۲۰ غروش

فی: غروش

۱۰

صفر

۱۳۴۳



جلد

۵

عدد

۵۲

لسان ايله قونوشمغه مقتدر ايدى . زيارت
حرمينه ده موفق اولدى .

۱۲۸۷ تاريخده اون سكر ياشنده فتواخانه
دوامه باشلايوب على الدرجات ترقى ايدرك رئيس
المسودين اولديغى كى مارت ۱۳۰۶ ده فضله
اوله رق تفتيش مصاحف شريفه مجلسى اعضالى
عهده سنه توديع اولمشدر . ۱۳۰۱ تاريخندن اعتباراً
جودت پاشا مرحومك رياستنده طوپلان مجله
مجلسى كتابتنى فخرى اوله رق اوچ سنه ايضا ايتمش ،
۲۴ تموز ۱۳۱۴ تاريخنده اون بيك بشيوز غروش
معاشله عدليه مستشارلغنه بالتعيين اون سنه خدمتدن
صكره ۱۳۲۴ سنده تقاعدى طلب ايلمشدر .
اناطولى قاضيسكرلى پايه سنى احراز ايتمش ايدى .
علم فقهده يدطولاسى اولوب زمانزده فريده
ايدى . ىرى بوش قالمشدر .

پدرى طريقه كبار مشايخ شعبانيه دن قوش
آطه لى ابراهيم افندى حضرت تليزىك نائب منابى
حامى حاجى محمد توفيق افندى مرحومه منتسب
اولق حسييله احمد شكرى افندى هنوز صغرسنده
مشاراليهك فيض نظرلرینه مظهر اولديغى كچى
حانقريب الاشرافى سيد مرتضى افندى مرحومدن
طريقت عليه قادريه يه عرض نسبت ايدوب بالاخره
نائل خلافت اولمشدر . اورادوا حزاب قادريه يه
دوام ايلردى .

متقاعد اولادقن صكره چيرچيده حاجى حسن
مجلسنده كى قوناغنده اختيار انزوا ايلدى . مثنوى
شريف مطالعه سنده ميلى مترايد اولوب حضرت شيخ
اكبر افندىك آثار عليه لريخده حرزجان ايلرايدى .
صوك زمانلرده شدتله مجاهده ورياضت يولنه
قويولمشدر ، بوسيله محافت وجوديه لرى ترايد ايلمش
وبوتأثيرايلا ضعف عمومى يه مبتلا اولوب نهايت الامر
بودار محنتدن دار جماله انتقال ايلمشدر .

بابا كريمه سن آلوب متاهل اولديغى ايچون خانقاهده
كلوب ساكن اولمازدى . تنها كندى خانه سنده
شغل ايدوب كلوب مشكلاتن سؤال ايدوب شيخ
حل ايدردي وينه كيدردي . بو طريق اوزره
سلوكن تمام ايدوب حضرت شيخ سنبل افندى
مر كزه خلافت ويرر . بر مقدار زمان استانبولده
قوغاجى دده زاويه سنده اولوب عاقبت مرحوم سلطان
سليمان عليه الرحمة حضرت تليزىك والده سى مغنيساده
برجامع وبر خانقاه بنا ايدوب سنبل افنديدن مركز
افندي يي طلب ايدر . آنلرده واروب مغنيساده
نيچه مدت احياء طريقت و نشر سنت ايدر . مرحوم
سلطان سليمان خان هر زمان مجلس شريف هدايت
الفيلرینه حاضر اولوب بكا ايدرلردى . مرحومك
مجلسى غايت مؤثر ايدى . قطعاً كوزين آچازدى .
اول قدر مستغرق اولوردى كه اوچ كون اوچ
كيجه سويله سه بر كلامن بردخى اعاده ايتزدى وكسل
دخى كيزدى .)
مهرور المولى

حاجى احمد شكرى افندى حضرت لرى

زمانمرك فقهاى عظامندن وعرفاى كرامندن
اولان مشاراليه ۱۲ ذى الحجه ۱۳۴۲ و ۱۵ تموز
۱۳۴۰ تاريخنه مصادف صالى كيجه سى ارتحال
دارنيم ايلمشدر .

علمائى فيخامدن ياقووه لى على فكرى افندى
مرحومك مخدوميدر . ۱۲۶۹ سنه ماله سنده
استانبولده زينت ساز عالم شهود اولمشدر . ابتدائى
تحصيلى متعاقب حفظ قرآنه موفق وسلطان سليم
امام اولى رئيس القراء حاجى اسماعيل افنديدن علم
قراشدن ووجوه دن مأذون اولدى . علوم عربيه يي
علمادن مزارجى زاده حاجى حسنى ، ادبيات عربيه يي
بنغازى علماسندن شيخ شتوان افنديلردن تعلم
ايلدى . لسان فارسيدنده بهره ياب اولوب بوايك

حليم ، سليم ، مكرم ، ملتفت ، الحاصل بالجمه
محاسن ايله متحلی ایدی . پدر اکر ملرینک ادرنه
قبوسی خارچنده ابن کال حضرت تلرینک قبرلری
جوازنده کی مدفن اتصالنده آسوده نشین رحمتدر .

عالم وفاضل ایدی حضرت احمدشکری

عارف وکامل ایدی حضرت احمدشکری

فقه وفتوی و تصوفده سرافراز اولدی

علم ايله عامل ایدی حضرت احمدشکری

واقف علم لدن صاحب ترتیب ایدی او

عزله مائل ایدی حضرت احمدشکری

آکا تاریخ وفات اولدی (فیوض تامه) ۱۳۴۲

وصلته نائل ایدی حضرت احمدشکری

حسین و صاف

رجب وحی

(مابعد)

رجب وحینک کندی ايله یازلمش منظوم
بر (معراجیه) سنی او قودم که حقیقه بر شعر
بدیعه سیدر . بوندن باشقه برده یوقاریده سویلدیکم
بر (تفسیر فنی) یازینوردی که باصیلسه ایدی بتون
دنیاده تورکک قیمت علمیه سنی آرتیراجق معظم
بر اثر اوله جقدی . بونلرک دیکرلری کی هدر
ایدلمه مش اولماسنی بوتون قلبله تمی ایدهرم .
مشارالیهک (روضه مطهره) سنی وسیله رحمت
اولق اوزره تبرکاً آشاغیه نقل ایدیورم :

محیی الدین مکی

روضه مطهره

یارب بنی قاووشدر دارالسلام یاره

روحده اشتیاقم چوقدر اوخلدزاره

یوق یوق خطا ؛ بوجت رشک آور جاندر

برذره خاکی ارحج بیگ در شاهواره

سینای پرتجلا مظلم بونک یاننده

زیرا بو ، طوری مولی بالذات ایدر اناره
فخر ایتسه حق واردر غیری مکوناته
الحق اومدفن اولش محبوب کردکاره
براعتلا صایلماز عرش برینه حقیق
علویت حقیقی یوز سورمه اول مزاره
ای قدسیانه . قبله ، عشاقه جای قبله
آرامگاه سنسک مشتاق بی قراره ؛
جسم نه در که اولسون یازک آیاق ترابی
روحده اولسه هیچدر مفروش اورهکنزاره
ورد لقای پاک ویردی صفای قدسی
کلدی هزار نشه طبع دل هزاره !

ای عالمینه رحمت ، سر آشنای وحدت

قولوق ، بویوک سعادت سن شاه کامکاره

عالمفدای عشق قربانه میل ایدرمی

هردم ربیع حسنک حاجتمی قور بهاره

نورجاله نسبت ، مهتاب ضانکه شبتاب

مهر وصاله نسبت خورشید برشراره

پابوسه ایرمدکجه ، جانانی کورمدکجه

ایتمز قبول مرهم روحده در بویاره

ای قربگاه یزدان ، محبوب لامکانشان

شوقکله قلب وحی هر لحظه پاره پاره

بن دردمند زارم : غایت کنهاکارم

سندن امید وارم کافی بکا بوچاره

رجب وحی

محفل ادبی

شهید کربلایه :

ای سریر ابتلایه شاه بی افسر حسین

سر فدایان طریق قربته سرور حسین

بویله یاد ایلر سنی قلب المپور حسین

نجل زهرا ، شبل خیدر ، سبط پیغمبر حسین